

KORISNI SAVJETI ZA TRAZENJE POSLA

Kada tražite posao morate znati kako da tražite. Napravite sebi jasnu predstavu oko toga šta bi željeli do toga na kakav posao biste pristali. U skladu s tim se predstavite poslodavcima. Postoje neki isprobani recepti koje bi trebalo da znate. Evo nekoliko stvari na koje nikako ne smijete zaboraviti kada tražite posao:

- **Mreže, mreže i ponovo mreže kontakata.** Što više kontakata to bolje. Kad mislite da imate dovoljno kontakata, potražiti ih još. To se posebno odnosi na osobe koje donose izvršne odluke. Da li već imate svoje profile na poslovnim mrežama kao što je [LinkedIn](#)?
- **Odlično napisana biografija.** Ako dođete do upotrebljive informacije o poslu nemojte pokazati neprofesionalnost i poslati na brzinu sročenu biografiju, već obratite pažnju na svaki detalj prije nego što je pošaljete.
- **Budite pozitivni.** Bez obzira na to što će proces traženja posla (uključujući pripremanje biografija, razgovore za posao itd.) biti često frustrirajuće, ne dozvolite da vas to izbací 'iz takta'. Ostanite pozitivni bez obzira na prepreke.
- **Istražite sve što možete saznati o kompanijama prema kojima konkurišete za posao.** Nemojte ni po koju cijenu otići na razgovor za posao a da prije toga niste saznali čime se bavi kompanija, na koji način rade, koja tržišta pokrivaju, kakvi su im planovi itd. Ako poznajete nekoga u kompaniji gdje konkurišete za posao obavezno razgovarajte sa tom osobom prije službenog razgovora za posao da od 'insajdera' saznate kako funkcioniše kompanija.
- **Započnite razgovor za posao pametno.** Prvi utisak je važan. Na razgovoru za posao se morate predstaviti što bolje možete, a to znači da ćete doći obučeni profesionalno i ponašati se profesionalno. Potrudite se da pažljivo slušate sagovornike i aktivno učestvujete u razgovoru. Postavljajte pitanja jer morate saznati što više informacija o poslu za koji konkurišete. Ako nemate šanse za posao koji želite, tražite druge mogućnosti na razgovoru. Ako nemate iskustva u pripremi i razgovorima za posao razmislite o kratkom kursu za uspješno traženje posla ili profesionalnom/karijernom savjetovanju.
- **Smijte se.** Budite prirodni. Nemojte 'folirati' potencijalnog poslodavca, jer pred vama obično sjede pametni ljudi.
- **Budite iskreni.** Nemojte odgovarati na pitanje vaših sagovornika sa konstatacijama koje bi vaš potencijalni poslodavac želio da čuje. Budite ono što vi jeste i budite iskreni. Ne pretjerujte.

Završite intervju za posao pametno. Prije nego što odete sa razgovora utvrdite da li ima nešto što je ostalo nejasno vašim sagovornicima. Nakon intervjuja možete poslati kratku zahvalnicu elektronskom poštom osobama s kojima ste razgovarali.